

**- Artigo 34. Encadramento dos traballadores e administradores de Sociedades mercantís capitalistas e Sociedades laborais no Sistema de Seguridade Social.**

Uno. Modifícanse as letras a) y k) do apartado 2 do artigo 97 do Texto Refundido da Lei Xeral da Seguridade Social, aprobado polo Real Decreto Lexislativo 1/1994, de 20 de xuño, que quedan redactadas nos seguintes termos:

1. *Os traballadores por conta allea e os socios traballadores de sociedades mercantís capitalistas, aínda cando sexan membros do seu órgano de administración, se o desempeño de este cargo non comporta a realización das funcións de dirección e xerencia da sociedade, nin posúen o seu control nos termos establecidos no apartado 1 na disposición adicional vixésimo sétima da presente Lei.*
2. *Como asimilados a traballadores por conta allea, con exclusión da protección por desemprego e do Fondo de Garantía Salarial, os conselleiros e administradores de sociedades mercantís capitalistas, sempre que non posúan o control destas nos termos establecidos no apartado un da disposición adicional vixésimo sétima da presente Lei, cando o desempeño do seu cargo comporte a realización das funcións de dirección e xerencia da sociedade, sendo retribuídos por iso ou pola súa condición de traballadores por conta da mesma.*

Dos. Modifícase a disposición adicional vixésima sétima do Texto Refundido da Lei Xeneral da Seguridade Social, aprobado polo Real Decreto Lexislativo 1/1994, de 20 de xuño, que queda redactada nos seguintes termos:

***Disposición adicional vixésima sétima. Campo de aplicación do Réxime Especial da Seguridade Social dos traballadores por conta propia ou autónomos.***

1. *Estarán obrigatoriamente incluídos no Réxime Especial da Seguridade Social dos traballadores por conta propia ou autónomos os que exerzan as funcións de dirección e xerencia que comporta o desempeño do cargo de conselleiro ou administrador, ou presten outros servizos para unha sociedade mercantil capitalista, a título lucrativo e de forma habitual, persoal e directa, sempre que posúan o control efectivo, directo ou indirecto, daquela. Entenderase, en todo caso, que se produce tal circunstancia, cando as accións ou participacións do traballador supoñan, polo menos, a metade do capital social.*

*Presumirase, salvo proba en contrario, que o traballador posúe o control efectivo da sociedade cando concorran algunhas das seguintes circunstancias:*

1. *Que, polo menos, a metade do capital da sociedade para a que preste os seus servizos estea distribuído entre socios, cos que conviva, e cos que se atope unido por vínculo conxugal ou de parentesco por consanguinidade, afinidade ou adopción, ata o segundo grado.*
2. *Que a súa participación no capital social sexa igual ou superior á terceira parte do mesmo.*
3. *Que a súa participación no capital social sexa igual ou superior á cuarta parte do mesmo, se ten atribuídas funcións de dirección e xerencia da sociedade.*

*Nos supostos nos que non concorran as circunstancias anteriores, a Administración poderá demostrar, por calquera medio de proba, que o traballador dispón do control efectivo da sociedade.*

2. *Non estarán comprendidos no Sistema de Seguridade Social os socios, sexan ou non administradores, de sociedades mercantís capitalistas cuxo obxecto social non estea constituído polo exercicio de actividades empresariais ou profesionais, senón pola mera administración do patrimonio dos socios.*

3. *O establecido no apartado 1 non afectará á asimilación establecida no artigo 4 do Texto Refundido das Leis 116/1969, de 30 de decembro, e 24/1972, de 21 de xuño, polo que se*

*regula o Réxime Especial da Seguridade Social dos Traballadores do Mar, aprobado por Decreto 2864/1974, de 30 de agosto.*

**Tres. Modifícase el artigo 21 da Lei 4/1997, de 24 de marzo, de Sociedades Laborais, que queda redactado nos seguintes termos:**

*-Artigo 21. Encadramento no Sistema da Seguridade Social.*

*1. Os socios traballadores das sociedades laborais, calquera que sexa a súa participación no capital social dentro do límite establecido no artigo 5 da presente Lei, e aínda cando formen parte do órgano de administración social, terán a consideración de traballadores por conta allea a efectos da súa inclusión no Réxime Xeral ou Especial da Seguridade Social que corresponda por razón da súa actividade, e quedarán comprendidos na protección por desemprego e na outorgada polo Fondo de Garantía Salarial, cando estas continxencias estiveran previstas en dito Réxime.*

*2. Ditos socios traballadores se asimilan a traballadores por conta allea, a efectos da súa inclusión no Réxime da Seguridade Social que corresponda, con exclusión da protección por desemprego e da outorgada polo Fondo de Garantía Salarial, nos seguintes supostos:*

- 1. Cando pola súa condición de administradores sociais, realicen funcións de dirección e xerencia da sociedade sendo retribuídos polo desempeño deste cargo, estean ou non vinculados, simultaneamente, á mesma mediante relación laboral común ou especial.*
- 2. Cando, pola súa condición de administradores sociais, realicen funcións de dirección e xerencia da sociedade e, simultaneamente, estean vinculadas á mesma mediante relación laboral de carácter especial do persoal de alta dirección.*

*3. Non obstante o disposto nos apartados anteriores, os socios traballadores estarán incluídos no Réxime Especial da Seguridade Social dos traballadores por conta propia ou autónomos, cando a súa participación no capital social xunto coa do seu cónxuxe e parentes por consanguinidade, afinidade ou adopción ata o segundo grao, cos que convivan alcance, polo menos, o cincuenta por cen, salvo que acredite que o exercicio do control efectivo da sociedade require o concurso de persoas alleas ás relacións familiares.*

*Catro. Consideraranse debidas as altas que se houberan practicado e as cotizacións á Seguridade Social, incluídas as cotizacións polos conceptos de recadación conxunta, ingresadas en calquera Réxime do Sistema con anterioridade ó 1 de xaneiro de 1998 respecto dos traballadores ó que se refire o artigo 97.2.a) y k) e o apartado 1 da disposición adicional vixésima sétima do Texto Refundido da Lei Xeneral da Seguridade Social aprobado polo Real Decreto Lexislativo 1/1994, de 20 de xuño, e o artigo 21 da Lei 4/1997, de 24 de marzo, de Sociedades Laborais, na redacción que dos mesmos efectúa a presente disposición.*

*Cinco. Os interesados disporán dun prazo de tres meses desde a entrada en vigor da presente Lei, para dirixir as comunicacións que procedan á Administración da Seguridade Social, ó obxecto de regularizar a situación dos traballadores a que se refire o apartado anterior, se subsistiran en dito momento, as circunstancias determinantes dun cambio de encadramento ou de situación no Réxime da Seguridade Social que corresponda.*

*Os efectos derivados de dito cambio retrotraeranse a 1 de xaneiro de 1998. Sen embargo, no suposto de que, durante 1998, se houbera causado algunha prestación a cargo dalgún réxime do sistema da Seguridade Social, os indicados efectos produciranse a partir da data na que houbera finalizado o percibo daquela, se así procedera por incorporarse el interesado o mesmo posto de traballo.*